

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA SITA

02 FEBRUARI, 2015



ORODHA YA SHUGHULI ZA LEO

MKUTANO WA KUMI NA NANE

KIKAO CHA SITA – TAREHE 02 FEBRUARI, 2015

I. HATI ZA KUWASILISHA MEZANI:

MWENYEKITI WA KAMATI YA KATIBA, SHERIA NA UTAWALA:

Taarifa ya Mwaka ya Shughuli za Kamati ya Kudumu ya Bunge ya Katiba, Sheria na Utawala katika kipindi cha Januari, 2014 hadi Januari, 2015.

MWENYEKITI WA KAMATI YA TAWALA ZA MIKOA NA SERIKALI ZA MITAA:

Taarifa ya Mwaka ya Shughuli za Kamati ya Kudumu ya Bunge ya Tawala za Mikoa na Serikali za Mitaa katika kipindi cha Januari, 2014 hadi Januari, 2015.

MWENYEKITI WA KAMATI YA MASUALA YA UKIMWI:

Taarifa ya Mwaka ya Shughuli za Kamati ya Kudumu ya Bunge ya Masuala ya UKIMWI katika kipindi cha Januari, 2014 hadi Januari, 2015.

II. MASWALI:

OFISI YA WAZIRI MKUU:

53. MHESHIMIWA HEZEKIAH NDAHANI CHIBULUNJE (CHILONWA):

Atamuuliza Mheshimiwa Waziri Mkuu:- Ibara ya 212 (c), (d) ya Ilani ya Uchaguzi ya CCM ya Mwaka 2010 inaitaka Serikali kutunga Sheria ya kutambua Mji wa Dodoma kuwa Makao Makuu ya nchi lakini mpaka sasa haijafanya hivyo:-

- (a) Je, ni sababu zipi zinazoifanya Serikali ishindwe kuleta Bungeni Muswada wa Sheria iliyokusudiwa;
- (b) Je, ni kwa nini Serikali inaendelea kujenga majengo mapya ya Wizara na Taasisi za Serikali Dar es Salaam;
- (c) Je, ni lini Serikali itaandaa na kuweka wazi Ratiba ya Mpangilio wa Wizara na Taasisi za Serikali kuhamia Dodoma kwa awamu.

**54. MHESHIMIWA FAIDA MOHAMMED BAKAR
(VITI MAALUM):**

Atamuuliza Mheshimiwa Waziri Mkuu:-

- (a) Je, ni wafanyabiashara walemavu wangapi walipatiwa mikopo kupitia Fedha za Mabilioni ya Kikwete kwa Tanzania Bara na Visiwani toka mfuko huo uanzishwe;
- (b) Je, wafayabiashara hao ni wenye ulemavu gani;
- (c) Je, wanatoka sehemu gani na wanafanya biashara gani.

**55. MHESHIMIWA PAULINE PHILIPO GEKUL
(VITI MAALUM):**

Atamuuliza Mheshimiwa Waziri Mkuu:-

- (a) Je, pale inapotokea Mtendaji wa Kijiji, Mtaa au Kata amefariki, kujiuzulu au kuhamishwa kituo cha kazi ni nani kisheria anapaswa kukaimu nafasi hiyo;
- (b) Je, ni katika siku ngapi nafasi hiyo inatakiwa kujazwa.

WIZARA YA KAZI NA AJIRA:

56. MHESHIMIWA PROF. KULIKOYELA KANALWANDA KAHIGI (BUKOMBE):

Atamuuliza Mheshimiwa Waziri wa Kazi na Ajira:- Pensheni ni miongoni mwa haki ambazo kila mtu ambaye amefanya kazi kwa muda mrefu (miaka 15 na kuendelea) anastahili kupata:-

- (a) Je, Serikali ina mpango gani wa kuwapatia pensheni ya kila mwezi Wahadhiri wa Vyuho Vikuu waliokuwa kwenye utaratibu wa SS SS waliostaafu kabla ya Machi 2011;
- (b) Je, Serikali ina mpango gani wa kuwapatia pensheni wazee wote nchini waliofikia umri wa kustaafu (yaani miaka sitini (60)).

WIZARA YA KATIBA NA SHERIA:

57. MHESHIMIWA SELEMANI SAID BUNGARA (KILWA KUSINI):

Atamuuliza Mheshimiwa Waziri wa Katiba na Sheria:- Mahakama zetu kuanzia ngazi ya Wilaya hadi Mahakama ya Rufaa hutumia Kiingereza kuendeshea mashauri Mahakamani na kufanya wateja wengi washindwe kukidhi mataakwa ya Mahakama kama vile kuandaa Nyaraka za kesi na kuwafanya kukosa haki zao za msingi hasa pale wanapokosa uwezo wa kuweka Wakili:-

Je, Serikali haioni umefika wakati sasa Mahakama zetu kutumia Kiswahili kuendeshea mashitaka na kuandika hukumu ili kuwawezesha Watanzania wengi kuelewa na kufuatilia mashauri Mahakamani.

58. MHESHIMIWA DIANA MKUMBO CHILOLO (VITI MAALUM):

Atamuuliza Mheshimiwa Waziri wa Katiba na Sheria:- Ni muda mrefu sasa tangu Serikali itoe ahadi ya kujenga Mahakama ya Wilaya ya Iramba wakati ikijibu swali langu hapa Bungeni:-

Je, ni lini Serikali itatekeleza ahadi hiyo, hasa ikizingatiwa kuwa hadi leo Mahakama hiyo inatumia jengo la Mahakama ya Kata kwa miaka mingi.



WIZARA YA MAJI:

59. MHESHIMIWA EZEKIEL MAGOLYO MAIGE (MSALALA):

Atamuuliza Mheshimiwa Waziri wa Maji:- Zipo ahadi nyingi za kupeleka maji katika Miji Midogo ya Kagongwa na Isaka ikiwa ni pamoja na ahadi ya Rais mwaka 2008 na pia Kauli ya Serikali kuwa mradi huo uunganishwe na ule wa kupeleka maji Tinde, Nzega, hadi Tabora kitu ambacho kitachelewesha utakelezaji wa mradi wa awali:-

(a) Je, kwanini Serikali isitekeleze kwanza ahadi ya Rais ya mwaka 2008 ndipo ahadi nyingine zifuata;

(b) Je, ni lini hasa mradi huo wa Kagongwa na Isaka kutoka Kahama utaanza;

(c) Je, Serikali ina mpango gani wa dharura wa kutatua tatizo la maji Isaka ambalo ni kubwa kabla ya mradi wa Ziwa Victoria kukamilika.

**60. MHESHIMIWA BETH ELIEZER MACHANGU.
(VITI MAALUM):**

Atamuuliza Mheshimiwa Waziri wa Maji:- Tangu Serikali ianze mpango wa miradi ya maji kwa Vijiji kumi (10) kila Wilaya ni miaka kumi imepita wakati Wananchi wa Wilaya ya Moshi Vijijini wakikabiliwa na tatizo kubwa la maji katika Vijiji vya Tela, Mande, Mwanjeni, Matala na Makuyuni – Himo licha ya kwamba vijiji hivyo vilishatangaza tenda na mkandarasi alikuwa tayari tangu Juni, 2014; na katika Mkutano wa Sekta ya Maji wa mwezi Septemba, 2014 Halmashauri iliagizwa kusaini mkataba kwa sababu fedha yao ilifikia kikomo (ceiling) na Wananchi wakiwa walishapewa ahadi ya utekelezaji wa mradi huo:

(a) Je, Serikali inatoa tamko gani katika ahadi yake ya “Big Results Now” kwa Wananchi wa Halmashauri ya Wilaya ya Moshi Vijijini;

(b) Vijiji vingine vya Kirima Juu, Kirima Chini, na Boro ambavyo mradi unaendelea kusuasua; Je, ni lini Serikali itapeleka fedha za kutosha ili mradi huo uweze kukamilika.

WIZARA YA MAWASILIANO, SAYANSI NA TEKNOLOJIA:

61. MHESHIMIWA DAVID ERNEST SILINDE (MBOZI MAGHARIBI):

Atamuuliza Mheshimiwa Waziri wa Mawasiliano, Sayansi na Teknolojia:-

(a) Je, kwa nini inatokea kampuni moja ya simu kudai kuwa wao wanatoa gharama za chini kuliko nyingine wakati **TCRA** wanasema gharama za simu kwa kampuni zote (*tariffs*) ni sawa;

(b) Je, inakuwaje pale kampuni moja inapowatangazia Wananchi kuwa wao wanatoza muda halisi wa matumizi aliyotumia;

(c) Je, **TCRA** inafanya nini kukabiliana na hujuma hiyo dhidi ya watumiaji wa simu za mkononi

62. MHESHIMIWA MESHACK JEREMIAH OPULUKWA (MEATU):

Atamuuliza Mheshimiwa Waziri wa Mawasiliano, Sayansi na Teknolojia:- Mawasiliano ya simu katika Kata ya Mwanjolo, Imalaseko, Bukundi, Ng'hoboko, Mwamalole katika Wilaya ya Meatu ni muhimu sana:-

Je, kwa nini mpaka sasa mipango ya kuweka minara ya mawasiliano katika Kata hizo imekuwa ya kusuasua.

WIZARA YA NISHATI NA MADINI:

63. MHESHIMIWA HUSSEIN NASSOR AMAR (NYANG'HWALE):

Atamuuliza Mheshimiwa Waziri wa Nishati na Madini:- Tarehe 23 na 24/5/2012 kulitokea milipuko ya baruti zaidi ya 8 kwenye Mgodu wa Bulyang'hulu Goldmine "Barrick" wakilipua miamba ili kuvuna Dhahabu:-

- (a) Je, wananchi wa Wilaya ya Nyang'hwale watanufaika na kitu gani toka kwa "Barick";
- (b) Serikali ilitoa ahadi kuwa, ifikapo Mei, 2012 umeme utakuwa umewashwa vijiji vya Nyang'hwale, Wilaya ya Nyang'hwale lakini hadi sasa umeme huo haupo; Je, Serikali inatoa kauli gani kwa kutotekeleza mradi huo.

64. MHESHIMIWA MHONGA SAID RUHWANYA (VITI MAALUM):

Atamuuliza Mheshimiwa Waziri wa Nishati na Madini:- Serikali bado haijatekeleza Mpango wa Umeme Vijijini (REA) awamu ya kwanza katika baadhi ya vijiji vilivyopangwa:-

- (a) Je, ni sababu gani za msingi zilizosababisha hali hiyo;
- (b) Je, Serikali inachukua hatua gani kwa baadhi ya Wakandarasi ambao wameshindwa kumaliza kazi ya kuweka umeme vijijini awamu ya kwanza.

WIZARA YA UJENZI:

65. MHESHIMIWA SYLVESTRY FRANCIS KOKA (KIBAHA MJINI):

Atamuuliza Mheshimiwa Waziri wa Ujenzi:- Ajali nyingi zimekuwa zikitokea katika maeneo ya Kibaha Mjini kutokana na kutokuwepo kwa njia ya waenda kwa miguu, baiskeli na pikipiki kwenye barabara ya kutoka Dar es Salaam kwenda Morogoro:-

Je, Serikali ina mpango gani sasa wa kutengeneza barabara hizo ili kuepusha ajali zinazotokea mara kwa mara na kutishia maisha ya Wananchi wa Kibaha Mjini katika barabara hiyo.

WIZARA YA ELIMU NA MAFUNZO YA UFUNDI:

66. MHESHIMIWA GOSBERT BEGUMISA BLANDES (KARAGWE):

Atamuuliza Mheshimiwa Waziri wa Elimu na Mafunzo ya Ufundi:- Ni sera ya Serikali kujenga vyuo vya VETA kila Wilaya hapa nchini japokuwa katika Mkoa wa Kagera hakuna chuo cha VETA cha Mkoa:-

Je, ni lini Serikali itajenga vyuo vya VETA kila Wilaya na VETA Mkoa wa Kagera.

WIZARA YA MAMBO YA NJE NA USHIRIKIANO WA KIMATAIFA:

67. MHESHIMIWA JAKU HASHIM AYOUB (B.L.W):

Atamuuliza Mheshimiwa Waziri wa Mambo ya Nje na Ushirikiano wa Kimataifa:- Tanzania imekuwa na ushirikiano na Uingereza kwa muda mrefu tangu Uhuru wa Tanganyika mwaka 1961 mpaka sasa:-

- (a) Je, kwa nini Ubalozi wa Uingereza nchini umefungwa na kusababisha usumbufu mkubwa wa VISA nchini na Wananchi kulazimika kufuata huduma hiyo Nairobi – Kenya au Afrika ya Kusini;
- (b) Je, uamuzi wa Tanzania kuwa na Ubalozi nchini Uingereza umesaidia vipi kuendeleza na kuimarisha uhusiano wetu wa Kidiplomasia;
- (c) Je, Serikali inatoa kauli gani kwa Wananchi wake ambao wamekuwa wakipata usumbufu mkubwa kutokana na maamuzi hayo ya muda mrefu na Serikali kukaa kimya bila ya kuwafahamisha Wananchi.

III. HOJA ZA KAMATI:

MWENYEKITI WA KAMATI YA ARDHI, MALIASILI NA MAZINGIRA:

Kwamba, Bunge sasa lipokee na kuikubali Taarifa ya Kamati ya Ardhi, Maliasili na Mazingira pamoja na mapendekezo na maoni yaliyomo kwenye Taarifa hiyo.

MWENYEKITI WA KAMATI YA KILIMO, MIFUGO NA MAJI:

Kwamba, Bunge sasa lipokee na kuikubali Taarifa ya Kamati ya Kilimo, Mifugo na Maji pamoja na maoni na mapendekezo yaliyomo kwenye Taarifa hiyo.

**DODOMA
02 FEBRUARI, 2015**

**DKT. T. D. KASHILILAH
KATIBU WA BUNGE**